



Broj: A-III-36/24-VII  
Sarajevo, 29.05.2024. godine

Na osnovu člana 30. Zakona o Kantonalnom tužilaštvu Kantona Sarajevo (Službene novine Kantona Sarajevo, broj 20/02, 22/02 i 30/08), člana 64. stav 1. tačka b), člana 25., 70. 71. i 98. Zakona o javnim nabavkama („Službeni glasnik BiH”, broj 39/14 i 59/22) – u daljem tekstu: ZJN, člana 9. i 37. Pravilnika o javnim nabavkama roba, usluga i radova u Kantonalnom tužilaštvu Kantona Sarajevo, broj: A-419/24 od 24.05.2024. godine, te preporuke Komisije za provođenje postupka javne nabavke usluga „Nabavka usluga čišćenja poslovnih prostorija u zgradi Kantonalnog tužilaštva Kantona Sarajevo“, date u Zapisniku broj: A-III-36/24-VI od 28.05.2024. godine, Glavna kantonalna tužiteljica donosi:

## O D L U K U

o izboru najpovoljnijeg ponuđača i dodjeli ugovora za nabavku usluga:  
„Nabavka usluga čišćenja poslovnih prostorija u zgradi Kantonalnog tužilaštva  
Kantona Sarajevo“

### I

Prihvata se preporuka Komisije za javne nabavke i Ugovor o javnoj nabavci usluga: „Nabavka usluga čišćenja poslovnih prostorija u zgradi Kantonalnog tužilaštva Kantona Sarajevo“ dodjeljuje se najpovoljnijem ponuđaču: **EURO-EMS d.o.o. Tešanj, ul. Kalošević br. 1, 74264 Jelah**, a prema ponudi broj: **12/01-2024 od 19.04.2024. godine**, s ukupnom vrijednošću ponude u iznosu od **83.894,52 KM bez PDV-a i 98.156,58 KM sa PDV-om**, kao najpovoljnijem ponuđaču.

### II

Nakon isteka roka od 15 dana od dana kad su ponuđači obaviješteni o izboru najpovoljnijeg ponuđača, sa izabranim ponuđačem zaključit će se Ugovor u trajanju od jedne godine dana, počevši od 01.08.2024. godine, kojim će se regulisati međusobna prava i obaveze vezano za predmetnu nabavku, shodno uslovima navedenim u Tenderskoj dokumentaciji i zakonskim propisima koji regulišu postupak ugovaranja.

### III

Ova Odluka će se objaviti na internet stranici Kantonalnog tužilaštva Kantona Sarajevo, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. ZJN.

### IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. ZJN.

## Obrazloženje

Na osnovu Odluke o pokretanju postupka javne nabavke broj: A-III-36/24 od 02.04.2024. godine i Obavještenja o nabavci broj: 274-1-2-73-3-10/24 od 08.04.2024. godine, objavljenog na Portalu javnih nabavki, pokrenut je postupak javne nabavke usluga „**Nabavka usluga čišćenja poslovnih prostorija u zgradi Kantonalnog tužilaštva Kantona Sarajevo**“, procijenjene vrijednosti 90.000,00 KM bez PDV-a, putem otvorenog postupka javne nabavke. Ugovorni organ je predvidio sklapanje Ugovora na period od jedne (1) godine od dana početka primjene Ugovora.

Kriterij za dodjelu Ugovora, shodno odredbama člana 64. ZJN je „najniža cijena tehnički zadovoljavajuće ponude“.

Za predmetnu nabavku, tekst tenderske dokumentacije otvorenog postupka javne nabavke, ponuđači su mogli preuzeti samo putem Portala javnih nabavki. Zahtjeva za pojašnjenje tenderske dokumentacije u predmetnom postupku javne nabavke nije bilo.

Rok za prijem ponuda je bio 29.05.2024. godine u 11:00 sati. Komisija za provođenje tenderskih procedura Kantonalnog tužilaštva Kantona Sarajevo, formirana Rješenjem broj: A-135/24 (u daljem tekstu Komisija), je dana 29.05.2024. godine u 11,15 sati, u prostorijama Ugovornog organa, izvršila javno otvaranje ponuda i sačinila Zapisnik o otvaranju ponuda. Zapisnik sa otvaranja ponuda dostavljen je svim ponuđačima koji su predali svoje ponude, u zakonskom roku, u skladu sa članom 63. stav 6. ZJN. Javnom otvaranju ponuda nije bilo prisutanih predstavnika ponuđača. Komisija je konstatovala da su blagovremeno zaprimljene tri (3) ponude.

Tenderskom dokumentacijom određeno je da se u postupku dodjele ugovora neće provesti E-aukcija, u skladu članom 11. Pravilnika o uslovima i načinu korištenja e-aukcije („Službeni glasnik BiH“ broj: 80/23).

Nakon što je Komisija za javne nabavke izvršila otvaranje ponuda i dostavila Zapisnik sa otvaranja ponuda ponuđačima koji su učestvovali u ovom postupku javne nabavke, zaprima žalbu potencijalnog ponuđača „GLOBAL LOGISTIC“ d.o.o. Banja Luka na tendersku dokumentaciju. Dana 30.05.2024. godine Glavna kantonalna tužiteljica donosi Odluku o obustavi postupka, broj: A-III-36/24-III, te Komisija pristupa provjeri da li je žalba blagovremena, izjavljena od ovlaštenog lica i od lica koje ima aktivnu legitimaciju, te da li je osnovana. Komisija zaključuje da je žalba blagovremena, izjavljena od ovlaštenog lica i od lica koje ima aktivnu legitimaciju, ali da je u potpunosti neosnovana. S obzirom da je žalba proglašena neosnovanom, dana 03.05.2024. godine Komisija priprema izjašnjenje na navode žalbe i zajedno sa kopiranom kompletnom dokumentacijom iz postupka javne nabavke, šalje kompletan predmet Uredu za razmatranje žalbi (u daljem tekstu: URŽ) – filijala Mostar. Dana 27.05.2024. godine, ovaj ugovorni organ zaprima Zaključak URŽ-a broj: JN2-03-07-01-1335-6/24 od 23.05.2024. godine, kojim se žalba potencijalnog ponuđača „GLOBAL LOGISTIC“ d.o.o. Banja Luka proglašava neurednom, te dana 28.05.2024. godine obavještava ponuđače koji su učestvovali u ovom postupku javne nabavke da se postupak javne nabavke nastavlja.

Komisija za javne nabavke je dana 28.05.2024. godine u 16:00 sati nastavila sa radom i pristupila analizi dokumentacije priložene uz ponudu, u smislu provjere njihove validnosti, obzirom na iskazane zahtjeve Ugovornog organa u tenderskoj dokumentaciji, odnosno vrednovanju ponuda u skladu sa procedurama i pravilima utvrđenim tenderskom dokumentacijom otvorenog postupka i Zakonom o javnim nabavkama BiH, odnosno pripadajućim podzakonskim aktima.

Komisija je izvršila pregled i ocjenu prispjelih ponuda, te sačinila Zapisnik o pregledu i ocjeni ponuda broj: A-III-36/24–VI od 28.05.2024. godine, koji je sastavni dio ove Odluke, i u kome je konstatovala sljedeće:

Komisija konstatuje da je u skladu sa tačkom 10.5. TD izvršila provjeru računskih ispravnosti ponuda, te da nijedna ponuda nije imala računskih grešaka.

BOSNA I HERCEGOVINA | FEDERACIJA BOSNE I HERCEGOVINE | KANTONALNO TUŽILAŠTVO KANTONA SARAJEVO

Adresa: Radiceva 6, 71000 Sarajevo, Centrala: 033/276-813, Pisarna: 033/276-811, Ured glavne tužiteljice: 033/276-826, Faks: 033/276-871

Elektronska pošta: kant\_tuz@bih.net.ba, Web stranica: kt-sarajevo.pravosudje.ba

**Komisija je konstatovala da su ponude ponuđača EURO-EMS d.o.o. Tešanj, GREENLINE d.o.o. Sarajevo i ECOTIME d.o.o. Sarajevo prihvatljive** prema obliku, sadržaju, potpunosti i sposobnosti obavljanja tehničke i profesionalne sposobnosti, te da ponudene vrijednosti ponuda odgovaraju planiranim, odnosno osiguranim sredstvima.

Komisija je izvršila uvid u ponude u pogledu zadovoljavanja **tehničkih uslova za predmete nabavke**, zahtijevane u tehničkoj specifikaciji, datoj u Obrascu Tehnička specifikacija – Aneks 3. tenderske dokumentacije Otvorenog postupka. Komisija je utvrdila da su sve dostavljene ponude ponuđača: **EURO-EMS d.o.o. Tešanj, GREENLINE d.o.o. Sarajevo i ECOTIME d.o.o. Sarajevo pravilne**, odnosno da je ponuđena usluga u skladu sa tenderskom dokumentacijom, odnosno tehničkom specifikacijom, primljene su u roku za dostavu ponuda, ne postoje dokazi o tajnom sporazumu ili korupciji, ponude su rezultat tržišne konkurencije i cijene ponuda nisu izuzetno niske (neprirodno niske).

Polazeći od gore navedenih konstatacija i činjenice da su tri (3) blagovremeno pristigle ponude prihvatljive i pravilne za ugovorni organ, s obzirom da ispunjavaju uslove iz tenderske dokumentacije otvorenog postupka i zadovoljavaju uslove zahtijevane u tehničkoj specifikaciji Obrasca Tehnička specifikacija – Aneks 3. i Obrasca za cijenu ponude – usluge – Aneks 4., Komisija je pristupila vrednovanju prihvatljivih i pravilnih ponuda, shodno utvrđenom kriteriju „**najniža cijena**“ tehnički zadovoljavajuće ponude, te je tabelarni pregled na osnovu navedenog kriterija – rang lista prihvatljivih i pravilnih ponuda za nabavku usluga: „**Nabavka usluga čišćenja poslovnih prostorija u zgradi Kantonalnog tužilaštva Kantona Sarajevo**“ sljedeći:

R. br.	Ponuđač- naziv i sjedište ponuđača	Ukupna cijena inicijalne ponude bez PDV-a
1.	EURO-EMS d.o.o. Tešanj, broj ponude: 12/01-2024 od 19.04.2024. godine	83.894,52 KM
2.	GREENLINE d.o.o. Sarajevo, broj ponude: 15/2024 od 22.04.2024. godine	84.943,56 KM
3.	ECOTIME d.o.o. Sarajevo, broj ponude: I-200/24 od 25.04.2024. godine	89.738,76 KM

Kao prvorangirana najpovoljnija ponuda, prema kriteriju „najniža cijena“, je ponuda izabranog ponuđača **EURO-EMS d.o.o. Tešanj, ul. Kalošević br. 1, 74264 Jelah**, s ponuđenom cijenom **83.894,52 KM bez PDV-a i 98.156,58 KM sa PDV-om**.

Cijeneći naprijed navedeno, primjenom člana 64. stav 1. tačka b) ZJN, odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke dopuštena je žalba u pisanoj formi, koja se podnosi Ugovornom organu u roku od 10 (deset) dana od dana prijema Odluke, a u skladu sa članom. 99. i 101. stav (1) tačka d) ZJN.

**GLAVNA KANTONALNA TUŽITELJICA**

Sabina Sarajlija



**Dostavljeno:**  
- Ponuđači x 3,  
- Komisija,  
- a/a.